

lypsi legitur: *Beati*²⁴¹, *qui lavant stolas suas, ut sit potestas eorum in ligno vitae, et portis intrent in civitatem: foris canes et impudici et venefici et omnis, qui amat et facit mendacium.* Huius gloriosae domus²⁴² dei decorem et locum habitationis gloriae eius fidelissime
 diligere et zelari debent non solum episcopi et sacerdotes in sedibus, 5
 sed etiam reges in regnis et palatiis suis et regum comites in civitatibus suis et comitum vicarii in plebibus suis et quicumque patresfamilias in domibus suis, in unum dives ac pauper, in mente et actibus suis. Hunc zelum praecipue apostolus exercuit et nobis suo exemplo exercendum commendavit, dicens: *Aemulor*²⁴³ *enim vos dei aemulatione: Despondi* 10
enim vos uni viro virginem castam exhibere Christo. De hoc et ipse dominus loquitur in psalmo: *Zelus*²⁴⁴ *domus tuae comedit me.* Quem zelum tam terribiliter exercuit, ut non verbo, quo etiam daemones^h fugabat, sed manu et flagello profanatores domus dei simul cum suis oblationibus et sacrificiis, quae praeparare videbantur, extruserit²⁴⁵. 15

CAPUT IV. Obsecramus igitur, ut et pietas vestra ex hac sancta matre generata, ipsius salvatoris imitatrix effecta, cuius misericordia et tuta et exaltata consistit, arripiat zelum pro domo dei et *aemuletur*²⁴⁶ eam *dei aemulatione*, coercens et extirpans et flagello iustae severitatis exterminans quorundam hominum impudentissimam audaciam, qui 20
 calcatis dei legibus et sanctissimorum patrum auctoritate contempta absque ulla divini sive humani pudoris reverentia tanquam bruta et irrationabilia iumenta templum dei, quod est sanctimonia fidelium, violare non metuunt et ipsum altare domini, quod est sacerdotale ministerium, illi dicatum et eius cultui sequestratum, suis calcibus, 25
 quantum in se est, destruere et evertere moliantur. Dum in nonnullis regni huius partibus propter eorum publicam infestationem nec viduarum miseranda desolatio legitimam habere libertatem permittitur, nec filiae in aetate puellari et parentum domibus constitutae iuxta leges divinas et humanas eorundem parentum suorum votis atque auctori- 30
 tate matronalibus nuptiis honestari ullatenus sinuntur, et ipsarum quoque sanctimonialium deo dicata devotio contra professionem

h) daemones *Si*.

241) *Apoc. 22,14–15.*

242) *Vgl. Ps. 25,8.*

243) *2. Cor. 11,2.*

244) *Ps. 68,10.*

245) *Vgl. Iob. 2.*

246) *Vgl. 2. Cor. 11,2.*